

## Ordinaziun davart la scola media professiunala (OSMP)

sa basond sin l'art. 45 da la constituziun chantunala <sup>1)</sup> e sin l'art. 19 da la lescha davart las scolas medias <sup>2)</sup>

relaschada da la regenza ils 2 da settember 2008

---

### I. Disposiziuns generalas

#### Art. 1

<sup>1</sup> Questa ordinaziun regla l'execuziun da las disposiziuns da la conferenza svizra da las directuras e dals directurs chantunals da l'educaziun publica per la scola media professiunala che sa basan sin la convegna da diploms, en spezial il cuntanscher il certificat da scola media professiunala e la maturitad spezialisada.

Object, champ  
d'applicaziun

<sup>2</sup> Reglaments da scolas medias privatas che divergeschan da disposiziuns en il champ d'applicaziun da questa ordinaziun basegnan l'approvaziun da la regenza.

#### Art. 2

Uschenavant che questa ordinaziun na cuntegna naginas regulaziuns expressivas, vegnan applitgadas conform al senn las disposiziuns da l'ordinaziun davart il gimnasi <sup>3)</sup>.

Applitgabladad  
subsidiara da la  
OGim

#### Art. 3

La scolaziun per cuntanscher il certificat da scola media professiunala dura per regla 3 onns. Suentar la finiziun cun success po vegnir fatga la maturitad spezialisada entaifer 1 onn.

Durada da la  
scolaziun

#### Art. 4

L'instrucziun sto vegnir dada tenor ils plans d'instrucziun che vegnan relaschads u approvads da la regenza e ch'èn structurads tenor las prescripziuns da la conferenza svizra da las directuras e dals directurs chantunals da l'educaziun publica.

Plan d'instrucziun

---

<sup>1)</sup> DG 110.100

<sup>2)</sup> DG 425.000

<sup>3)</sup> DG 425.050

## II. La scola media professiunala

### Art. 5

Champs da professiun, praticum ordaifer la scola

<sup>1</sup> Ils champs da professiun èn:

1. pedagogia cun ils roms musica II, pedagogia/psicologia; furma e color;
2. lavur sociala cun ils roms economia e dretg, pedagogia/psicologia, economia da chasa;
3. sanadad cun ils roms biologia umana, pedagogia/psicologia, fisica e chemia.

<sup>2</sup> A la fin dal segund onn da scolaziun absolvan las scolaras ed ils scolars in praticum da 4 emnas ordaifer la scola. Il manaschi da praticum è activ en in dals champs da professiun da la scola media professiunala.

### Art. 6

Roms da promoziun

Ils roms da promoziun èn l'emprima lingua (Deutsch, rumantsch, italiano), la segunda lingua, anglais, matematica, biologia, fisica e chemia, geografia, istorgia ed instrucziun civica, furmar creativ, musica, psicologia/tschernera da professiun sco er en il segund e terz onn ils trais roms dal champ da professiun elegi.

### Art. 7

Cundiziuns da promoziun

Ina scolara u in scolar vegn promovì la fin da l'onn da scola, sch'i na vegnan betg fatgs en ils roms da promoziun dal segund attestat dapli che dus puncts e mez minus e sche la media da las notas da promoziun cuntanscha la valor 4.00.

### Art. 8

Lavur independenta

<sup>1</sup> En il terz onn da scolaziun fan e preschantan las scolaras ed ils scolars – sulets u en ina grupp – ina lavur independenta en scrit u commentada en scrit.

<sup>2</sup> La direcziun da la scola regla ils detagls per far e per valitar questa lavur.

### Art. 9

Admissiun a l'examen final

L'admissiun pretenda per regla d'avair frequentà ina scola media professiunala en il chantun Grischun durant almain ils 2 ultims onns avant l'examen final e prestaziuns suffizientas per ina promoziun en la classa finala.

### Art. 10

Roms da l'examen final

<sup>1</sup> Examinads en scrit vegnan l'emprima lingua (Deutsch, rumantsch, italiano), la segunda lingua, matematica, in rom che vegn fixà da l'uffizi sin proposta da la direcziun da la scola or dals sectur d'emprender da las

scienzas natiralas, da las scienzas socialas u da las activitads musicas e dal sport sco er in rom relativ al champ da professiun.

<sup>2</sup> Examinads a bucca vegnan l'emprima lingua, la segunda e la terza lingua; ultra da quai fixescha l'uffizi sin proposta da la direcziun da la scola in rom d'examen che n'è betg anc vegnì examinà en scrit or dals secturs d'emprender da las scienzas natiralas e da las scienzas socialas sco er in rom d'examen relativ al champ da professiun.

#### **Art. 11**

<sup>1</sup> Per ils roms ch'èn vegnids examinads en scrit ed a bucca vegn calculada la nota da l'examen sco media betg arrundada da las notas dals dus examens. Notas dals examens finals

<sup>2</sup> En il certificat da scola media professiunala vegnan messas notas entiras e mesas notas.

#### **Art. 12**

La reussida da l'examen final sa drizza tenor las disposiziuns da la conferenza svizra da las directuras e dals directurs chantunals da l'educaziun publica. Reussida da l'examen

#### **Art. 13**

En il certificat da scola media professiunala figurescha sco emprima lingua ina lingua chantunala, sco terza lingua l'anglais, sco champs da professiun la pedagogia, la lavur sociala u la sanadad. El po cuntegnair supplementarmain la nota per l'instrucziun d'in instrument sco er il renviament al lieu ed al manaschi dal praticum ordaifer la scola. Concepziun dal certificat da scola media professiunala

### **III. Las maturitads spezialisadas en sanadad ed en lavur sociala**

#### **Art. 14**

Titularas e titulars d'in certificat d'ina scola media professiunala en ils champs da professiun sanadad u lavur sociala pon far la maturitad spezialisada correspondententa tenor las directivas da la conferenza svizra da las directuras e dals directurs chantunals da l'educaziun publica. Admissiun

#### **Art. 15**

<sup>1</sup> Il lieu da scola per far la maturitad spezialisada en sanadad è la scola mercantila Surselva. Lieux da scola

<sup>2</sup> Il lieu da scola per far la maturitad spezialisada en lavur sociala è la scola chantunala grischuna.

**Art. 16**

Plan  
d'instrucziun,  
examens, notas  
dal rom

<sup>1</sup> La scolaziun ed ils examens sa basan sin las disposiziuns da la conferenza svizra da las directuras e dals directurs chantunals da l'educaziun publica per la maturitad spezialisada dal champ da professiun sanadad respectivamain dal champ da professiun lavur sociala. Il plan d'instrucziun vegn relaschè da la regenza.

<sup>2</sup> Mintga rom da la scolaziun per la maturitad spezialisada vegn terminà cun in examen e dat ina nota dal rom che vegn arrundada sin mesas notas.

**Art. 17**

Prestaziuns en il  
praticum, lavur  
da maturitad  
spezialisada

En directivas regla il departament en spezial ils detagls davart il praticum e davart la lavur da maturitad spezialisada.

**IV. La maturitad spezialisada en pedagogia****Art. 18**

Admissiun

Titularas e titulars d'in certificat d'ina scola media professiunala en il champ da professiun pedagogia pon far la maturitad spezialisada correspondententa.

**Art. 19**

Lieu da scola

Il lieu da scola per far la maturitad spezialisada en pedagogia è la scola media evangelica da Schiers.

**Art. 20**

Collavuraziun dal  
lieu da scola e da  
la scola auta da  
pedagogia dal  
Grischun

<sup>1</sup> La direcziun da la scola media evangelica da Schiers collavura cun la direcziun da la scola auta da pedagogia.

<sup>2</sup> Sunter avoir consultà la direcziun da la scola auta da pedagogia fixescha la scola media evangelica da Schiers il termin d'annunzia per la scolaziun per la maturitad spezialisada.

**Art. 21**

Plan  
d'instrucziun,  
examens, notas  
dal rom

<sup>1</sup> La scolaziun ed ils examens sa basan sin las disposiziuns da la conferenza svizra da las directuras e dals directurs chantunals da l'educaziun publica per la maturitad spezialisada dal champ da professiun pedagogia. La scolaziun è structurada en moda modulara. Il plan d'instrucziun vegn relaschè da la regenza.

<sup>2</sup> Ils roms d'examen da l'emprima lingua e da la segunda lingua èn duas linguas chantunals.

<sup>3</sup> Mintga rom da la scolaziun per la maturitad spezialisada vegn terminà cun in examen e dat ina nota dal rom che vegn arrundada sin mesas notas.

**Art. 22**

<sup>1</sup> Durant la scolaziun han las candidatas ed ils candidats da rediger ina lavur da maturitad spezialisada. La valitaziun da la prestaziun per la lavur da maturitad spezialisada dat ina nota dal rom che vegn arrundada sin mesas notas.

Lavur da  
maturitad  
spezialisada

<sup>2</sup> Per l'admissiun als examens finals sto la lavur da maturitad spezialisada vegnir valitada almain cun la nota 4.0. Ina lavur da maturitad spezialisada ch'è insufficienta po vegnir curregida ina giada.

<sup>3</sup> En directivas regla il departament en spezial ils detagls davart la lavur da maturitad spezialisada.

**Art. 23**

<sup>1</sup> Ils examens vegnan organisads e realisads da la scola media evangelica da Schiers.

Organisaziun da  
l'examen

<sup>2</sup> L'uffizi determescha las expertas ed ils experts da l'examen.

**V. Disposiziuns finalas****Art. 24**

L'execuziun è chausa da l'uffizi.

Execuziun

**Art. 25**

L'ordinaziun davart la scola media professiunala dals 26 d'october 1999 <sup>1)</sup> vegn abolida.

Aboliziun dal  
dretg vertent**Art. 26**

Questa ordinaziun entra retroactivamain en vigur il 1. da settember 2008.

Entrada en vigur

---

<sup>1)</sup> CUL 1999, 4547; CUL 2003, FUC 2162; CUL 2004, FUC 2774 e CUL 2005, FUC 2406